



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 23. De Horatio Bechio & Didaco Montalvano quædam memorabilia.

urn:nbn:de:hbz:466:1-38528

pestatibus, solitudine, fame, & morbo adicit. Quæ omnia non parùm faciunt ad Apostolici viri commendationem.

CAPUT

XXIII.
De Horatio
Bechii &
Didaco
Montalvano
quædam
memorabiliæ.

*Horatii Bechii
necesse
præsenso.*

*Cum Alexan-
dro Septimo
affinitas.*

*Montalvani
patria.*

Ablimenta.

*Cadavera
triduo à mu-
scis & avi-
buina facta.*

CAPUT

XXIV.
Quatuor So-
cietas fe-
des stabili-
tur sumptu-
bus Regis.

*1613.
Ludovicus
Valdivia
candidam
prohibet.*

*Conceptionis
sedes.*

*Nongenti
baptizan-
tur.*

*Araucana
sedes.*

*Levo ca-
strum.*

HORATIUM Bechium nobilem Senensem, Episcopi germanum fratrem, Hornabant Virginitas totâ vitâ conservata, erga Virginum Reginam amor, zelus animarum, precandi studium, necnon scientia multiplex, prudentiaque adeò singularis, ut summis provinciæ munieribus etiam tum juvenis omnium votis destinaretur. Magnâ contentione ab Didaco Torres Provinciali missionem ad Araucanos flagitavit, ne vocationi Divinæ obniti videretur : in Italia namque adhuc versanti coelijs injecta martyrii spes, adeò certa, ut vix defuturo eventu dubitaret. Anno hujus seculi quarto ex Europâ cum Didaco Torres in Peruviam navigavit, Litteris sacris Limæ non sine laude informatus, cum eodem per Tucumaniam ad Chilense regnum immenso circuitu ductus, tanta quanta narravimus, inter amicos Indos & rebelles patravit, usque dum, fuso Sanguine, spem cœlijs datam firmaret. Nostrum Horatium non ita pridem illustravit imago Alexandro Septimo Pont. Maximo cum eleganti carmine eo præsertim nomine dicata, quod utriusque familiæ mutuâ affinitate illigata dicantur. Tantis Hetoibus additus est Didacus Montalvanus, Mexici in nova Hispania Hispano genere natus, ex Chilensi milite, post annuam in humilibus culinæ, cellæ penatiæ, & Sacrarii servitiis periclitationem, Iesu Socius factus, sexto tyrcinii die rarâ felicitate triumphum meritus est. Dum in exercitu Regio stipendia ficeret hoc solemne habuit, quod numquam adduci potuerit, ut Quadragesimali tempore carnes, eò loci & temporis Regis militibus legitimè concessas, esitaret, pane subcinericio, nullo alio pulmento addito, contentus. Tria cadavera occisorum Sociorum in summis caloribus per triduum nec muscæ, nec aves carnivoræ attigere, donec Valdivia admittente ad Levo Hispanorum castrum transferrentur. Biennio post ad Conceptionis urbem deportata, nostro in Templo, ad principis aræ latus, cedrina Lippanotheca intus & foris aureo panno inducta, honorificè deposita sunt. Sic novellæ Provinciæ fundamenta Sanguine consecrata fuere, & Socii, exemplo animati, ubique grandia heroicæ virtutis vestigia imprefserent.

CÆDE peractâ, pacis negotiorum disturbatur est : nam pleræque fæctiones, quamvis innocentes, verecundiâ abalienati, ultiōis metu iterum pro hostiis se gesse. Cataraiorum octo millia in amicitia perstitere. Hispani contrâ bello vindicatum ire avebant Sociorum neces : sed Valdivia restitit, volens adhuc servari decretum Regis de non offendendis hostibus, in quorum finibus quatuor Societas sedes Vicaria ab Provinciali potestate acceptâ stabilivit : nam Rex Catholicus in singularum sedium levamentum mille ducatos annuatim numerari jusserat, & Sociorum, partim ex Hispaniâ, partim è Peruviâ advectorum manipulus prestò aderat : ex quibus Sociis sequentibus temporibus eminere Rodericus Vafquius, Peruvia non ita pridem Provincialis, Galpat Sobrinus Quitensis Provincialatu perfunctus, Vincentius Modolellus Chilensis Vice-provincialis, Augustinus Villaza divinis illustrationibus maximè clarus. Prima sedes, cui deinde, aucto Sociorum numero, Collegii jura concessa sunt, in Conceptionis maritimâ urbe posita est. Unde egressi per vias quinque Socii, circumiacentes regiones, Indorum vicis frequentes, æquali fructu ac labore lustrabant. Ludovicus Valdivia trecentos, Socii alii sexcentos, ex pervicacissima gente anno hujus sæculi decimo-tertio baptizavere. Apud Araucanos temporaria sedes in perpetuam etiam mutata est, in qua singulis Dominicis diebus viginti triginta Barbari Baptismum suscipiebant, plerumque cum festivissimo arcis apparatu, bombardarum explosione, & templi spectissimo ornato, ut nempe feroci homines Sacramentum à se suscepimus magis aestimarent, & Ethnici popularum suorum honore allehti in eamdem sortem filiorum Dei adoptari amarent. Arx Hispanorum altera est, quam Levo vocant : huic arci unus ex Araucanis Sociis perpetuò aderat, Prætoris rogatu, deficiente alio Sacerdote, aliquot Indorum millibus atque Hispanis militibus operam navaturus : præterea

iidem